

















*Conchou  
Mamet fait  
Bacha de  
Damas.*

*Fait la guer-  
re contre  
Emir Facar-  
din.*

M. DC. XXXIII.

750 mais le compagnon n'auoit garde d'enten-  
dre ce coup de canon ; car si tost qu'il les eut  
quittez il gaigna pays.

En ceste année 1633. il y eut guerre en la  
Palestine, dont voicy l'origine. Conchou  
Mamet ayant deffait l'an passé Allez Bacha  
dans la Natolie, fut bien receu du G. S. qui  
luy donna pouvoir de commander Damas  
en qualité de Bacha. A son depart de Con-  
stantinople ayant demandé à sa Hautesse  
pouvoir de combattre l'Emir Facardin, (tenu  
en quelque façon comme rebelle, quoy qu'il  
paye de grands tributs tous les ans) il luy ac-  
corda, avec l'assistance nécessaire pour vne  
telle entreprise. Or ce Conchou Mamet  
estant arriué en Damas, fit proclamer par la  
ville & lieux circonuoisins la guerre contre  
ledit Emir Facardin ; les Bachas de Tripoli,  
& de Hierusalem, l'Emir Feront & Thasa-  
bheys se joignent à Conchou Mamet, lequel  
fait marcher son armée, composée seulement  
de huit mil hommes, vers Saphet contre  
l'Emir Ally, fils ainé de Emir Facardin :  
mais ceste armée du Bacha fut deffaite par  
Ally en quatre rencontres, où les prin-  
cipaux d'icelle furent tuez, & vne grande  
partie des soldats, sans aucune perte du co-  
té dudit Emir Ally, qui auoit avec luy quin-  
ze mil hommes de pied & trois mil Che-  
vaux, & d'autre côté quinze mil Arabes  
bien montez à son commandement : Ses  
trois freres estoient aussi en d'autres con-  
trées avec six ou sept mil hommes chacun,





